

ხელშეკრულება სახელმწიფო შესყიდვების შესახებ №070-2018
(ელექტრონული ტენდერი №SPA170016360)

წინამდებარე ხელშეკრულება დაიდო 2018 წლის 13 თებერვალს ქ. თბილისში.
შემსყიდველი: საქართველოს ეკონომიკისა და მდგრადი განვითარების სამინისტრო, მისი უფლებამოსილი წარმომადგენლის ადმინისტრაციული დეპარტამენტის უფროსის ნინო მურჯიკიშვილის სახით.
მისამართი: ქ. თბილისი, ჭოგელიძის ქუჩა №10ა, ტელეფონი 299-10-76, 299-10-01
საბანკო რეკვიზიტები: სახელმწიფო ხაზინა, კოდი TRESGE22, ა/ა №200122900, ს/კ 203840433

მიმწოდებელი: სს „ვისოლ პეტროლიუმ ჯორჯია“

საიდენტიფიკაციო კოდი: 202161098

მისამართი: ქ. თბილისი, ჭავჭავაძის გამზ. 74ბ, გელ: 291-53-15

წარმომადგენელი: გენერალური დირექტორის მინდობილი პირი ნინო დოლიძე

საბანკო რეკვიზიტები: სს „თიბისი ბანკი“, ბანკის კოდი TBCBGE22; ანგარიშის № GE48TB1100000018467453.

ერთი მხრივ – შემსყიდველი, და მეორე მხრივ – მიმწოდებელი, ადასტურებენ, რომ მათ შორის მიღწეულია შეთანხმება შემდეგზე:

1. ხელშეკრულებაში გათვალისწინებული ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

2.1 საქართველოს ეკონომიკისა და მდგრადი განვითარების სამინისტროს 2018 წლის სახელმწიფო ბიუჯეტით დამტკიცებული (24 01 01) ასიგნებების ფარგლებში საქართველოს ეკონომიკისა და მდგრადი განვითარების სამინისტროს ბალანსზე არსებული ავტომანქანების (მათ შორის ყოფილი ენერგეტიკის სამინისტროს ბალანსზე რიცხული ავტომანქანები, კანონმდებლობით უფლებამონაცვლე) რეცხვის მომსახურების შესყიდვა (მსუბუქი ავტომანქანის 1100-ჯერ სტანდარტული რეცხვისა და ჯიპის ტიპის ავტომანქანის 1100-ჯერ რეცხვის მომსახურება, პლასტიკური ბარათების სისტემის მეშვეობით) დანართი №1-ის (ფასების ცხრილი) შესაბამისად (CPV- 50112300).

3. ხელშეკრულების ღირებულება

3.1 ხელშეკრულების ღირებულებაა: **25850.00 ლარი.**

ოცდახუთი ათას რვაასორმოცდაათი ლარი და 00 თეთრი

(თანხა ციფრებით და სიტყვიერად)

3.1.1 ერთეულის ღირებულება განსაზღვრულია დანართი №1-ით (ფასების ცხრილი).

3.2 ხელშეკრულების ღირებულება შეიცავს მიმწოდებლის ყველა ხარჯებსა და საქართველოს კანონმდებლობით დადგენილ გადასახადებს, დაკავშირებულს მომსახურების გაწევასთან.

4. მხარეთა უფლება-მოვალეობები

4.1 მიმწოდებელი ვალდებულია:

ა) შემსყიდველს გაუწიოს სამინისტროს ბალანსზე არსებული ავტომანქანების (მათ შორის ყოფილი ენერგეტიკის სამინისტროს ბალანსზე რიცხული ავტომანქანები, კანონმდებლობით უფლებამონაცვლე) რეცხვის მომსახურება დანართი №1-ის (ფასების ცხრილი) და ტექნიკური დავალების შესაბამისად.



საქართველოს ეკონომიკისა და მდგრადი განვითარების სამინისტრო



ბ) რეცხვის მომსახურება განახორციელოს ეტაპობრივად, შემსყიდველის მოთხოვნის შესაბამისად, პლასტიკური ბარათების სისტემის მეშვეობით, მისი შემსყიდველის მიერ მიმწოდებლისთვის წარდგენიდან არა უგვიანეს ერთი საათისა, მიმწოდებლის სამრეცხაოების მეშვეობით.

გ) წინამდებარე ხელშეკრულების ფარგლებში შემსყიდველის წერილობითი შეკვეთის საფუძველზე დაამზადოს და უსასყიდლოდ გადასცეს შემსყიდველს არაუმეტეს 38 (ოცდათვრამეტი) ცალი პლასტიკური ბარათი, წერილობითი მოთხოვნის მიღებიდან არა უმეტეს 3 (სამი) სამუშაო დღის ვადაში.

4.2 მიმწოდებელი უფლებამოსილია:

ა) შემსყიდველს მოთხოვოს ხელშეკრულებით ნაკისრი ვალდებულებების შესრულება.

4.3 შემსყიდველი ვალდებულია:

ა) განახორციელოს წინამდებარე ხელშეკრულებით გათვალისწინებული მოთხოვნების დაცვით ფაქტობრივად გაწეული მომსახურების ღირებულების ანაზღაურება.

4.4 შემსყიდველი უფლებამოსილია:

ა) მიმწოდებლისგან მოითხოვოს მომსახურების მიწოდება წინამდებარე ხელშეკრულებით გათვალისწინებულ დროსა და ადგილას;

ბ) შეამოწმოს მომსახურების ხარისხი.

გ) მონიტორინგის შედეგად მიმწოდებლის მიერ ხელშეკრულებით გათვალისწინებული პირობების დარღვევის აღმოჩენის შემთხვევაში მისცეს მას მითითება ვალდებულებების დარღვევის გამოსწორების შესახებ ან შეწყვიტოს (არ განახორციელოს) მიმწოდებლის დაფინანსება.

5. ანგარიშსწორების ფორმა და ვადა

5.1 რეცხვის მომსახურების ღირებულებას შემსყიდველი გადაუხდის მიმწოდებელს ამ ხელშეკრულების 6.7 პუნქტის მიხედვით მხარეთა შორის მიღება-ჩაბარების აქტის გაფორმებიდან და მიმწოდებლის მიერ შესაბამისი ელექტრონული საგადასახადო ანგარიშ-ფაქტურის გამოწერიდან 10 (ათი) სამუშაო დღის განმავლობაში.

5.2 ანგარიშსწორების ვალუტა: ლარი;

5.3 ანგარიშსწორების ფორმა: უნაღდო.

6. მიღება-ჩაბარების წესი

6.1 შემსყიდველის მოთხოვნიდან არა უმეტეს სამი სამუშაო დღის ვადაში მიმწოდებელი თავის ვებ-გვერდზე გაუხსნის შემსყიდველს სპეციალურ ანგარიშს და უზრუნველყოფს შემსყიდველის მიერ შეძენილი რაოდენობისა და სახეობის მომსახურების ჩარიცხვას აღნიშნულ ანგარიშზე, პლასტიკურ ბარათზე მისი შემდგომი განაწილების მიზნით. სპეციალურ ანგარიშზე მომსახურების ჩარიცხვის მომენტიდან, შემსყიდველს უფლება აქვს ანგარიშზე არსებული ნაშთის ფარგლებში შეუზღუდავად, თავისი შეხედულებისამებრ, მოახდინოს აღნიშნული მომსახურების გადანაწილება მის კუთვნილ ერთ ან რამოდენიმე პლასტიკურ ბარათზე ინტერნეტით, მიმწოდებლის ვებ-გვერდის საშუალებით, შემსყიდველის საიდენტიფიკაციო სახელისა და პაროლის გამოყენებით.

6.2. შემსყიდველის სპეციალურ ანგარიშზე შეძენილი მომსახურების ჩარიცხვისას მიმწოდებელსა და შემსყიდველის უფლებამოსილ წარმომადგენელს შორის ფორმდება სათანადო მიღება-ჩაბარების აქტი, რომელშიც ფიქსირდება ანგარიშზე ჩარიცხული მომსახურების სახეობა, რაოდენობა, ღირებულება და სხვა აუცილებელი ინფორმაცია. სპეციალურ ანგარიშზე მომსახურების ჩარიცხვის შემდეგ მომსახურება არ ექვემდებარება დაბრუნებას ან სხვა სახეობის მომსახურებაზე გადაცვლას, ხოლო პლასტიკური ბარათის/ბარათების დაკარგვასთან, დაზიანებასთან ან განადგურებასთან დაკავშირებული ყოველგვარი რისკი გადადის შემსყიდველზე.

6.3 შემსყიდველის პირველად საიდენტიფიკაციო სახელსა და პაროლს მიმწოდებელი მიღება-ჩაბარების აქტით დალუქული კონვერტით გადასცემს შემსყიდველის უფლებამოსილ წარმომადგენელს და ამავდროულად უტარებს შესაბამის ინსტრუქტაჟს საიდენტიფიკაციო სახელისა და პაროლის შეცვლისა და გამოყენების წესების შესახებ. შემსყიდველი ვალდებულია ანგარიშის პირველ გამოყენებამდე და პლასტიკურ ბარათზე მომსახურების გადატანამდე შეცვალოს მიმწოდებლის მიერ გადაცემული პაროლი და შემდგომში გამოიყენოს მხოლოდ მის მიერ შექმნილი ახალი პაროლი. პირველადი საიდენტიფიკაციო სახელისა და პაროლის შემსყიდველის წარმომადგენლისათვის გადაცემისთანავე ყოველგვარი პასუხისმგებლობა და რისკი საიდენტიფიკაციო სახელისა და პაროლის არასანქცირირებულ გამოყენებაზე, ელექტრონული ანგარიშიდან პლასტიკურ ბარათზე მომსახურების უნებართვო გადატვირთვაზე და სხვა მსგავს შემთხვევებზე, აგრეთვე ამით გამოწვეულ ნეგატიურ შედეგებზე, გადადის შემსყიდველზე.

6.4 პლასტიკური ბარათი ადასტურებს მისი წარმომადგენის უფლებას ავტოსამრეცხაოზე მიიღოს ბარათზე ჩატვირთული შესაბამისი მომსახურება. შემსყიდველის მოთხოვნის საფუძველზე



გერმანიის
15 2 2018
5

შესაძლებელია პლასტიკურ ბარათზე კონკრეტული ავტომანქანის სახელმწიფო ნომრის და სერიის გამოსახვა. ასეთი ბარათის ავტოსამრეცხაოში წარმოდგენისას, გაირეცხება მხოლოდ ბარათზე აღნიშნული სახელმწიფო ნომრის და სერიის მქონე ავტომანქანა. პლასტიკური ბარათის დაკარგვის შემთხვევაში მისი ბლოკირების ვალდებულება შესაძლო ნეგატიური შედეგების თავიდან აცილების მიზნით ეკისრება თავად შემსყიდველს, რომელმაც უნდა მოახდინოს ბლოკირება თავისივე cards.wissol.ge-ზე სპეციალური ანგარიშის გამოყენებით საკუთარი ვებ-კაბინეტიდან.

6.5 შემსყიდველი ვალდებულია პლასტიკური ბარათი შეინახოს მზისგან, ელექტრული და მაგნიტური ველებისაგან (მობილური ტელეფონი, ტრანსფორმატორი, ტელევიზორი და სხვ.) დაცულ ადგილას, ასევე არ მოახდინოს პლასტიკური ბარათის გაღუნვა. მიმწოდებელი არ არის პასუხისმგებელი ამ მოთხოვნის შეუსრულებლობის შემთხვევაში ბარათის დაზიანებაზე. პლასტიკური ბარათის ფიზიკური დაზიანების ან/და დაკარგვის შემთხვევაში, შემსყიდველს უფლება აქვს შეიძინოს ახალი ბარათი და ითხოვოს მასზე ბლოკირების შემდეგ არსებული ნაშთების გადატანა. პლასტიკური ბარათის პროგრამულად დაზიანების შემთხვევაში, მიმწოდებელი უსასყიდლოდ დაუმზადებს შემსყიდველს ახალ პლასტიკურ ბარათს.

6.6 მომსახურების გაწევა მოხდება მიმწოდებლის ავტოსამრეცხაოებში.

6.7 ყოველი მომდევნო თვის 12 რიცხვამდე მხარეები აფორმებენ მიღება-ჩაბარების აქტს წინა თვეში ფაქტობრივად გაწეული მომსახურების შესაბამისად და მიმწოდებელი გამოუწერს შემსყიდველს ელექტრონულ საგადასახადო ანგარიშ-ფაქტურას („ესაფ“-ს). შემსყიდველი ვალდებულია საგადასახადო კანონმდებლობით დადგენილი წესის დაცვით ასევე ელექტრონულად მოახდინოს „ესაფ“-ის დადასტურება. შემსყიდველს არც ერთი საფუძველით არ შეუძლია სადავო გახადოს მისი მხრიდან შესაბამისი „ესაფ“-ის ელექტრონულად დადასტურების ფაქტი, ვინაიდან შესაბამის ელექტრონულ საშუალებებთან წვდომა გააჩნია მხოლოდ შემსყიდველს, „ესაფ“-ის ელექტრონულად დადასტურების პროცესი არ კონტროლდება მიმწოდებლის მიერ და შემსყიდველი თავად განსაზღვრავს იმ პირის ვინაობას, რომელიც უშუალოდ მოახდენს შემსყიდველის მხრიდან „ესაფ“-ის ელექტრონულად დადასტურებას.

6.8 წინამდებარე ხელშეკრულების მოქმედების პერიოდში შემსყიდველის სახელით ამავე ხელშეკრულების 6.3 პუნქტით გათვალისწინებული პირველადი საიდენტიფიკაციო სახელისა და პაროლის, აგრეთვე ამავე ხელშეკრულების 6.2 პუნქტით გათვალისწინებულ სპეციალურ ანგარიშზე მომსახურების ჩარიცხვის შესახებ მიღება-ჩაბარების აქტების ხელმოწერაზე, ასევე შემსყიდველის სახელით პლასტიკური ბარათების მიღებაზე და შესაბამისი დოკუმენტაციის ხელმოწერაზე უფლებამოსილი პირი შემსყიდველის მხრიდან არის ადმინისტრაციული დეპარტამენტის ლოჯისტიკის სამმართველოს მთავარი სპეციალისტი ლევან ლობჯანიძე (პირადი ნომერი 01024062611) და ეს უფლებამოსილება არ შეიძლება გახდეს სადავო შემსყიდველის მხრიდან. შემდგომში ამ პირის უფლებამოსილების გაუქმება ან შეზღუდვა იურდიულ ძალას შეიძენს მხოლოდ იმ შემთხვევაში, თუ მიმწოდებელს წერილობით ეცნობება ამის თაობაზე ან თუ მხარეთა შეთანხმებით შესაბამისი ცვლილება შევა წინამდებარე პუნქტში. სხვა პირისათვის ამ უფლებამოსილების მისანიჭებლად ასევე საჭიროა შესაბამისი წერილობითი მინდობილობა ან მხარეთა შეთანხმება.

7. მომსახურების გაწევის ადგილი და ვადა

7.1 მომსახურების გაწევის ადგილი: მიმწოდებლის მიერ შემოთავაზებული სამრეცხაოები.

7.2 შესყიდვის ობიექტის მიწოდებას მიმწოდებელი უზრუნველყოფს ამ ხელშეკრულებით განსაზღვრული წესების დაცვით, პლასტიკური ბარათებით, ერთიანად ან ეტაპობრივად, შემსყიდველის წინასწარი შეკვეთების შესაბამისად, 2018 წლის 31 დეკემბრის ჩათვლით.

7.3 მომსახურება უნდა განხორციელდეს სატენდერო დოკუმენტაციით გათვალისწინებული პირობების შესაბამისად.

8. ხელშეკრულების მოქმედების ვადა

8.1 ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2019 წლის 31 იანვრის ჩათვლით.

9. ხელშეკრულებით ნაკისრი ვალდებულებების შესრულების ინსპექტირება

9.1 ხელშეკრულებით ნაკისრი ვალდებულებების შესრულების ინსპექტირებას განახორციელებს ადმინისტრაციული დეპარტამენტის ლოჯისტიკის სამმართველოს მთავარი სპეციალისტი ლევან ლობჯანიძე.

9.2 ინსპექტირება გულისხმობს მიმწოდებლის მიერ ხელშეკრულების პირობების შესრულების, აგრეთვე გაწეული მომსახურების ხარისხის კონტროლს.

9.3 ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9.4 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნი გაწეულ მომსახურებაში, მიმწოდებელი ვალდებულია დაუყოვნებლივ გამოასწოროს წუნი.

10. პირგასამტეხლო ხელშეკრულების პირობების შეუსრულებლობისათვის

10.1. წინამდებარე ხელშეკრულების 4.1 პუნქტის „ა“ ქვეპუნქტით განსაზღვრული მომსახურების გაწევის ვადის და პირობების დარღვევის შემთხვევაში, მიმწოდებელს ეკისრება პირგასამტეხლო ყოველ გადაგადაცილებულ დღეზე შეუსრულებელი ვალდებულების 0.02%-ის ოდენობით.

10.2. წინამდებარე ხელშეკრულების 9.4 პუნქტით გათვალისწინებული პირობის დარღვევის შემთხვევაში; მიმწოდებელს ეკისრება პირგასამტეხლო ყოველ გადაგადაცილებულ დღეზე ხელშეკრულების ღირებულების 0,02%-ის ოდენობით.

10.3. წინამდებარე ხელშეკრულების 5.1 პუნქტით განსაზღვრული გადახდის ვადის გადაცილების შემთხვევაში; მიმწოდებელი უფლებამოსილია დააკისროს შემსყიდველს პირგასამტეხლო ყოველ გადაგადაცილებულ დღეზე გადაუხდელი თანხის 0.02%-ის ოდენობით.

10.4. მიმწოდებლის მიერ ხელშეკრულებით ნაკისრი ვალდებულებების შეუსრულებლობის; ნაწილობრივი შესრულების ან არაჯეროვანი შესრულების მიზეზით ხელშეკრულების შეწყვეტის შემთხვევაში შემსყიდველს უფლება აქვს დააკისროს პირგასამტეხლო შესასრულებელი (დარჩენილი) ვალდებულების შესაბამისი ღირებულების 10% - ის ოდენობით.

10.5. იმ შემთხვევაში; თუ მიმწოდებელზე დაკისრებული პირგასამტეხლოს ჯამური თანხა გადაატარებს ხელშეკრულების ღირებულების 2 (ორი) პროცენტს; შემსყიდველი იტოვებს უფლებას შეწყვიტოს ხელშეკრულება და მოთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.6. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილების შეტანა და ხელშეკრულების შეწყვეტა

11.1 ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.3 საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

11.4 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

11.5 მხარე ვალდებულია 11.4. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 3 (სამი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

11.6 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. ფორს-მაჟორი

12.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3. მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ,



წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

13. დავები და მათი გადაწყვეტის წესი

13.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

13.2 ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად (ერთი ეგზემპლარი მიმწოდებელს, ერთი ეგზემპლარი შემსყიდველს).

14. მხარეთა ხელმოწერები


შემსყიდველის მხრიდან

ადმინისტრაციული დეპარტამენტის
უფროსი
ნინო მურჯიკნელი




მიმწოდებლის მხრიდან

სს "ვისოლ პეტროლიუმ ჯორჯია"
გენერალური დირექტორის მინდობილი პირი
ნინო დოლიძე





შეამოწმა:
სს "ვისოლ პეტროლიუმ ჯორჯია"


შპს-ის ცხრილი

პრეტენდენტის დასახელება: ს/ს „ვისოლ პეტროლიუმ ჯორჯია“

სატენდერო წინადადების ფასი: 25,850.00 (ოცდა ხუთი ათას რვაას ორმოცდა ათი) ლარი დღგ ს ჩათვლით

დანართი №1

№	საქონლის დასახელება	რაოდენობა (ცალი)	ერთეულის ფასი (ლარი)	საერთო ღირებულება (ლარი)	მიწოდების ვადა	მიწოდების ადგილი
1	ჯიპის ტიპის ავტომობილის რეცხვითი მომსახურება	1,100	14.00	15,400.00	ხელშეკრულების გაფორმებიდან 2018 წლის 31 დეკემბრის ჩათვლით, შემსყიდველის მოთხოვნის შესაბამისად არაუმეტეს 3 (სამი) სამუშაო დღის განმავლობაში	პლასტიკური ბარათით „კომპანიის ავტოსამრეცხავების ქსელის საკარტელოს მასშტაბით, ეტაპობრივად, შემსყიდველის მოთხოვნის შესაბამისად
2	სედანის ტიპის ავტომობილის რეცხვითი მომსახურება	1,100	9.50	10,450.00		
ჯამი/ლარი				25,850.00		

პრეტენდენტის ხელმოწერა

შენიშვნა: აღნიშნული ფასები მოიცავს ყველა ხარჯს პროდუქციის ერთეულის ფასსა და საერთო ფასს შორის სხვაობის შემთხვევაში უპირატესობა ენიჭება პროდუქციის ერთეულის ფასს რეცხვითი მომსახურების გაწევა მოხდება ტალონის წარმოდგენიდან არაუგვიანეს 1 საათის განმავლობაში. პრეტენდენტი შემსყიდველს გამარჯვების შემთხვევაში დაუზღაფებს და გადასცემს 38 (ოცდა ოთხამეტი) ციოლ ვისოლის პლასტიკურ კორპორატიულ ბარათს სასყიდლოდ

შემსყიდველი:

ადმინისტრაციული დეპარტამენტის უფროსი



Handwritten signature of Nino Murzikiani.

/ნინო მურჯიკნელი/

მიმწოდებელი:

სს „ვისოლ პეტროლიუმ ჯორჯია“

გენერალური დირექტორის მინდობილი პირი



/ნინო ლოლიძე/

შესყიდვის ობიექტის აღწერასთან დაკავშირებული ინფორმაცია

1.1 შესყიდვის ობიექტის დასახელება

ავტომატური რეცხვის მომსახურება, საბარათე სისტემის მეშვეობით

1.2 საქონლის ტექნიკური პარამეტრები/მომსახურების/სამუშაოს აღწერა (ტექნიკური დავალება), შესყიდვის ობიექტის რაოდენობა/მოცულობა

1.2.1. მიმწოდებელმა უნდა უზრუნველყოს საქართველოს ეკონომიკისა და მდგრადი განვითარების სამინისტროს ბალანსზე (მათ შორის ყოფილი ენერგეტიკის სამინისტროს ბალანსზე რიცხული ავტომატური რეცხვის მომსახურების, კანონმდებლობით უფლებამოსილი) არსებული მსუბუქი ავტომატური რეცხვის 1100 (ერთი ათას ასი) და ჯიპის ტიპის ავტომატური რეცხვის 1100 (ერთი ათას ასი) რეცხვის მომსახურება საბარათე (პლასტიკური ბარათი) სისტემის მეშვეობით;

1.2.2. რეცხვის მომსახურება უნდა განხორციელდეს მიმწოდებლის მიერ შესაბამისი საბარათე (პლასტიკური ბარათი) სისტემის მეშვეობით, შესყიდველის მიერ ავტოსამრეცხავო მისი (პლასტიკური ბარათი) წარდგენიდან არაუგვიანეს ერთი საათის განმავლობაში.

1.2.3. პრეტენდენტის მიერ შემოთავაზებულ ყოველ სამრეცხავო ობიექტზე განთავსებული უნდა იყოს შესაბამისი საბარათე სისტემის წამკითხველი (გასატარებელი) მოწყობილობა, რომელმაც სამრეცხავო ბარათის დაფიქსირების შემთხვევაში, უნდა უზრუნველყოს შესაბამისი მომსახურების მომენტალური ასახვა ელექტრონულ სისტემაში (შესყიდველის სპეციალურ ანგარიშზე).

1.2.4. მიმწოდებელი ვალდებულია თავის ვებ-გვერდზე გაუხსნას შესყიდველს სპეციალური ანგარიში და უზრუნველყოს აღნიშნულ ანგარიშზე მოთხოვნილი მომსახურების (რეცხვა) დარიცხვა, ხოლო შესყიდველი უფლებამოსილია მომსახურება გადაანაწილოს პლასტიკურ ბარათზე თავისი შეხედულებისამებრ;

1.2.5. შესყიდველის მოთხოვნიდან 3 (სამი) სამუშაო დღის ვადაში, მიმწოდებელმა უნდა უზრუნველყოს 31 (ოცდაერთმეტი) ცალი პლასტიკური ბარათის დამზადება უსასყიდლოდ (ბარათების დამზადებისას მიმწოდებელმა ასევე უნდა უზრუნველყოს ბარათის წინა ან უკან მხარეს შესყიდველი ორგანიზაციის შესახებ ნებისმიერი სახის ინფორმაციის უსასყიდლოდ განთავსება);

1.2.5.1. იმ შემთხვევაში თუ ხელშეკრულების მიმდინარეობის პროცესში, შესყიდველს ბალანსზე დამატება ახალი ავტომატური რეცხვის მომსახურების მოთხოვნიდან 3 (სამი) სამუშაო დღის ვადაში, მიმწოდებელმა უნდა უზრუნველყოს დამატებითი პლასტიკური ბარათის დამზადება უფასოდ (დამატებით არაუმეტეს 7 პლასტიკური ბარათი);

1.2.5.2. პლასტიკური ბარათის პროგრამულად დაზიანების შემთხვევაში მიმწოდებელმა უსასყიდლოდ უნდა გამოცვალოს და დააზადოს ახალი პლასტიკური ბარათი, შესყიდველის მოთხოვნიდან 3 (სამი) სამუშაო დღის ვადაში.

1.2.6. მიმწოდებელმა უნდა უზრუნველყოს ავტომატური რეცხვის მომსახურების მართვა, სალონისა და საბარგულის გარეცხვა/გასუფთავება. რეცხვისას გამოყენებული უნდა იყოს მაღალი წნევის რეცხვის დანადგარი, მტვერსასრუტი და სპეციალური სარეცხი საშუალებები.

1.2.7. მომსახურების გაწევის დროს მიმწოდებლის ბრალეულობით შესყიდველის ავტომობილზე მიყენებული ნებისმიერი სახის ზიანის ანაზღაურების ვალდებულება ეკისრება მიმწოდებელს.

1.2.8. სამრეცხავო ობიექტებზე რეცხვითი მომსახურებით სარგებლობა შესაძლებელი უნდა იყოს ყოველდღე 09:00 სთ-დან 19:00 სთ-მდე

1.2.9. შესყიდველი იტოვებს უფლებას ტენდერში მონაწილე პრეტენდენტს (გამარჯვებულად გამოვლენამდე) გადაამოწმოს მის მიერ წამოდგენილი ინფორმაცია და სამრეცხავო ობიექტები.

1.3 ფასების ცხრილი/ხარჯთაღრიცხვა

  დანართი #1.pdf

1.4 საქონლის მიწოდების/მომსახურების გაწევის/სამუშაოს შესრულების ვადა





MEMBER OF WISSOL GROUP

ს/ს ვისოლ პეტროლიუმ ჯორჯია
J.S.C. WISSOL PETROLEUM GEORGIA

10.01.2018 წ.
№01/33

მ ი ნ დ ო ბ ი ლ ო ბ ა

ს/ს „ვისოლ პეტროლიუმ ჯორჯია“ უფლებამოსილებას ანიჭებს ამავე კომპანიის იურისტს ნინო დოლიძეს (პირადი №46001002049) ს/ს „ვისოლ პეტროლიუმ ჯორჯიას“ სახელით უზრუნველყოს სახელმწიფო შესყიდვების პროცედურებში, კერძოდ, ტენდერებში საკვალიფიკაციო მონაცემების წარდგენა, ასევე, გამარჯვების შემთხვევაში შესაბამის ორგანიზაციებთან სახელმწიფო შესყიდვის შესახებ ხელშეკრულებების, ასევე აღნიშნულ ხელშეკრულებებში ცვლილებების გაფორმება და ხელმოწერა.

მინდობილობა ძალაში შედის გაცემის დღიდან და მოქმედებს 2018 წლის 31 დეკემბრის ჩათვლით.

გენერალური დირექტორი

ვასილ ხორავა



74B, I. CHAVCHAVADZE AVE.
0179 TBILISI, GEORGIA

TEL.: +995 322 91 53 15
FAX: +995 322 91 52 55

WEB: WWW.WISSOL.GE
E-MAIL: OFFICE@WISSOL.GE